

Kîvarkên herî jahrîn li Swêdê!



- Kîvarkên ku dişibin yên di vê belavokê da hatine diyar kirin, kom nekin!
- Bi tenê kîvarkên ku hûn nas dikin kom bikin!
- Wan tam nekin! Heta tama kîvarkên jahrîn jî baş e!
- Bila kesên gehîştî yên bi zanyariya kîvarkan wan pak bikin!
- Ji xwe re pirtûkeka modern a ser kîvarkan peyda bikin!



Kîvarkê Mêşan

Amanita muscaria

Kumik 10–25 cm ye. Rengê kumikê ji soreka vekirî heta soreka porteqalî ya çilmisî diguhere. Deqên wî spî ne. Li dora dûvikan bazinekî mezin heye û aliyê jêrîn ê dûvikî werimî ye. Di daristanên asayî û yên qaçî da çêdibe.



Kîvarkê Mêşan ê Qehweyî

Amanita muscaria var. regalis

Kumikê wî yê ji qehweyî heta qehweyiya zerdî 10–20 cm ye û xwedî deqên spî yên zerdî ye. Li dora dûvikan bazinekî diyar heye û aliyê binî yê dûvikî werimî ye. Li daristanên qaçî çêdibe.



Kîvarkê Panter

Amanita pantherina

Kumikê wî 5–12 cm ye û xwedî rengên qehweyî ye. Deqên wî spî ne û li dora dûvikê wî herdem bazinekî nîne. Aliyê binî yê dûvikî werimî ye. Li daristanên asayî û li parkan çêdibe, carna jî li daristanên qaçî da çêdibe.

Kartêkirin û nişaneyên jahrê

Di tevahiya van kîvarkan da jahr heye ku pergala demaran têkdide. Gêjîti, şaşbûn, diltengî, kêmbûna asta zanebûnê û kramp dikarin derkevin holê. Carna jî xwe nexweş hest kirin û vereşandin çêdibe.

Hûn dê çawa pêzanîneka zêdetir di derbarê kîvarkan da peyda bikin?

- Tevlî kursekî yan geşteki kîvarkan bibin. Dezgehên perwerdeyî û komeleyên kîvarkan kurs û geştan pêşkêş dikin.
- Malperên kêrhatî: www.svampkonsulent.se • www.svampguiden.com

Ev hersê cure kîvark xwedî kumikên bi deq in. Lê belê ew deq dikarin bi hêsani dakevin û bes hindêk deqên kêmbimîn yan jî qet nemînin.

112 Di rewşeka jahrbûneka acil da telefon bikin bo 112 (24-saetan vekirî ye) û daxwaza Pêzanînen Jahrbûnê bikin. Di rewşên kêmtir acil da telefon bikin bo 010-456 6700 • www.gic.se



Ferîşteya Wêranker

Amanita virosa

Ev kîvark bi tevayî spî ye. Kumik 5-12 cm ye. Bi asayî li dora dûvikê wî bazinek heye, lê carna jî bê bazin e. Dema hêj gelek teze bin, ew wek hêkekî xuya dikin. Aliyê binî yê dûvikî, ku bi asayî di kurahiya qewzê da rûniştiye, werimî ye. Ferîşteya Wêranker di daristanên qaçê yên kevzî da û li spîndaran çêdibe.

Kartêkirin û nîşaneyên jahrê

Jahrê wî kezêbê xera dike. Di nav nîşaneyên jahrbûnê da, zikçûn, xwe nexweş hest kirin û vereşandin hene ku piştî gelek saeten piştî xwarina kîvarkan dest pê dikin. Dikare zirareka cidî bide kezêbê. Jahrbûn dikare kujek be.



Kumika Mirinê

Amanita phalloides

Kumika wî 5-12 cm ye. Rengê kumikê dikare gelek biguhere di navbera spiyeka tevayî heta kesk û rengên qehweyî yên vekirî da. Binên kumikê spî ne. Li dora dûvikê bazinekî zirav heye, lê belê ne herdem. Aliyê binî yê dûvikî werimî ye. Kumika Mirinê li daristanên asayî, li daristanên têkel (cihê ku darên asayî û yên qaçê pêkve çêdibin) û li mêrgên bi spîndar, mazî û bindeq çêdibe.

Kartêkirin û nîşaneyên jahrê

Têda heman jahr heye wekî li Ferîşteya Wêranker. Nîşane jî eynî ne û qasî wî kujek e – binêre li jor!



Tevnkumika Mirinê

Cortinarius rubellus (C. speciosissimus)

Kumik 4-8 cm ye. Kîvark bi tevayî bi qehweyiya sorî heta qehweyiyeka zerdî ye. Kumik bi asayî qoçî ye, lê belê ne herdem. Daristanên qaçê yên kevzî yan li spîndaran çêdibe. Kîvarkê Tevnkumika Ehmeqan (*C. orellanus*) cureyeka wekhev e ku têda heman jahr heye. Ew li daristanên asayî yên bi mazî, spîndar û bindeq da çêdibe.

Kartêkirin û nîşaneyên jahrê

Jahr gûrçikan xera dike û dikare wan bi tevayî têkbide. Nîşaneyên jahrbûnê heta çend rojên piştî xwarina kîvarkê dernakevin holê. Di nav nîşaneyan da tîbûn, êşa masulkeyan, zêdebûn yan kêmbûna çendeya mîzê hene. Jahrbûn dikare bibe egerê çareserkirineka diyalîzê ya demdirêj û di hindêk rewşan da jî dibe ku transplantasyoneka gûrçikî pêwîst bike.



Kîvarkê Zir

Gyromitra esculenta

Kîvarkê Zir bi tevayî girêdayî grubeka cuda ya kîvarkan e. Kumika wî 4-12 cm ye, rengê wî qehweyî ye û di şiklê mêjî da ye. Rengê dûvikên wan diguherin ji gewreka vekirî heta qehweyî yan jî rengên binefşî yên çilmsî. Kîvarkê Zir li biharê, ji heyva Nîsanê heta derketina pelên dara heyzeranê, bi asayî li kevîyên rêyên daristanan, li nêzikê qurmên rakirî yên daran yan jî li daristanên ku hatine birîn çêdibe.

Kartêkirin û nîşaneyên jahrê

Jahrê wî pergala demaran têkdide û herweha dikare zirarê bide hucreyên xwînê û kezêbê jî. Di nav nîşaneyan da gêjbûn, dupatbûna dîtîne û şelîbûna axaftîne hene. Herweha dibe ku nîşaneyên wek xwe nexweş hest kirin û êşa zikî jî diyar bibin.



Giftinformationscentralen

SWEDISH POISONS INFORMATION CENTRE